

欽定四庫全書

子部

普濟方卷一百四十七



南京中医药大学图书馆版权所有

華濟才卷

四

楊寒門

四

傷寒雜論

傷寒論

周王朱橚撰

大

病

病是謂五邪冬傷於寒

必

病

夏傷於暑秋必痲瘧秋

日

病

氣然五邪所中雖不同

其毒厲尤甚人或中

之病在冬時正名傷寒若邪毒藏於肌膚至春時乘盛暑而發為暑病所謂先夏至日為病溫後夏至日為病暑是也其病傳之次先客於太陽其病令人頭頂痛腰脊強其脉尺寸皆浮太陽不已傳於陽明其病體熱目疼鼻乾不得卧其脉尺寸皆長陽明不已傳於少陽其病胃脅痛而耳聾其脉尺寸皆弦少陽不已太陰受之其病腹滿體重其脉尺寸俱微太陰不已少陰受之其病口燥舌乾而渴或背微惡寒其脉尺寸俱沉少陰不已

厥陰受之其病煩舌囊縮其脉尺寸俱緩病之所傳不
過三陽三陰而已其未滿三日者邪在陽經未入於裏
其病在表宜汗之而愈若經四日者邪入陰經其病在
裏宜下之而愈特其大略爾蓋有一日而傳至數經者
亦有數日而尚在太陽者陽病雖宜發汗陽明之病或
宜下之陰病雖宜下之少陰之病或宜溫之由人之稟
受虛盛其傳有遲速又不傳經者當審其脉證凡此五
經受病五邪脉證各不同傷風者必惡風其脉浮緩傷

寒者必惡寒其脉浮緊以至傷暑脉虛傷濕脉緩於人迎緊盛為傷寒氣口急盛為傷食診得五邪之症知其本也診得六經知其標也有病雖在表而不可汗者或在裏而不可下者或若汗之太多則津液燥竭遂至亡陽下之太早則邪氣動膈乃或成結胃清濁相干則變為霍亂熱毒內瘀則變為瘀血又或為發黃者濕熱相蒸也或為發斑者陽毒太盛陽盛之人得之於熱乃為陽毒陰盛之人得之於寒乃為陰毒盛動則為狐惑壞

病之甚則為百合若勞動復傷陰陽易之類雖瘥猶宜
節慎變態多端不可備舉當以類推皆以適當為良唯
二感之病表裏皆受邪難治其他或陰證似陽陽證似
陰或陰盛隔陽陽盛隔陰者在診病者以意詳之 夫
人生天地間以氣血藉其真是故天無一歲不寒暑人
無一日不憂苦故有傷寒天行溫疫之病蓋冬令為殺
厲之氣君子善攝生者當嚴寒之時行住坐卧護身周
密不受寒毒彼奔馳荷重房勞之人皆辛苦之徒耳當

閉藏而反擾動之則鬱結臟腑津液強耗為寒所搏則
腠理不密寒毒與榮衛相渾當是之時壯者氣行則已
怯者則著而成病矣不即病者寒氣藏於肌膚之間春
則病溫夏則病熱此皆一氣使然也古之治法一日在
皮當摩膏而火灸之二日在顱依法鍼解而發散之汗出
愈三日在肌亦發汗愈四日在胃宜吐之五日在腹
六日在胃宜下此華陀之治法也若按三陰三陽之法
傳變無出仲景之論蓋治傷寒有傷寒之法治雜病有

雜病之方豈能異其傳者同其治調理陰陽當按定法也至初得病者頭旋惡心振寒此即素問所謂時欲作嘔起居如驚神氣乃浮者是也傷寒如仲景明六經受病轉變者及素問所謂熱病也若病作無次第初得病表裏不明或先熱而渴不惡寒此即江南謂之黃病北方謂之汗病或長幼遞相染著又是天行時氣新傷寒以輕劑散之如葱白散和解散皆可用如六經傳變者當如仲景法有表證者麻黃湯桂枝湯有寒證互見者

各半湯見裏證者小承氣湯十棗湯深者大承氣湯半表半裏小柴胡湯見痞及結胸者小陷胸湯皆可用腹滿者理中丸此遇太陰者傳少陰便見厥逆脉浮細即當投四逆湯若見厥陰證用藥不可造次大凡仲景法皆可間用發表則用防風通聖散雙解散入腑三乙承氣湯大柴胡湯結胸痞滿大陷胸湯寒入陰經附子四逆湯半表半裏和解多用涼膈益元散傷暑亦依仲景用白虎湯桂苓甘露飲益元散備見真格方子和法發

表勝黃湯青龍湯和鮮涼膈散當發表用通聖散逐去
水腫必須禹切散舟車丸如大水中滿用之極驗

方

人參輕骨散 治傷寒頭痛壯熱項背拘急百節煩疼

增寒惡風肢體困倦大便不調小便赤澀嘔逆煩渴
傷風頭痛體熱鼻塞聲重欬嗽傷山嵐瘴氣潮熱往
來及五勞七傷心腹痞滿冷氣奔冲攻注刺痛又婦
人血傷撮痛經候不調

貝母

去心

白茯苓

焙

半夏

煮各一兩

枳殼

去穰炒二兩五錢

蒼朮

泔浸一宿六兩

人參

白朮

焙

白芷

不見火

陳皮

去白

秦艽

去蘆

赤芍藥

各二兩

川芎

當歸

去蘆焙

肉桂

去麤皮

乾薑

柴胡

去蘆

麻黃

去根節各三兩

桔梗

去蘆

甘草

炙各四兩

厚朴

薑製四兩

右細末每服三錢水一盞薑三片同煎七分通口熱

服身體倦加烏梅一箇咳嗽加棗子二枚同煎不拘

時服

葱白散

解四時傷寒頭痛壯熱項背拘急骨節煩疼

憎寒惡風肢體困倦大便不調小便赤澀嘔逆煩渴
不思飲食及傷寒頭痛體熱鼻塞聲重咳嗽痰涎山
嵐瘴氣時行疫癘並皆治之

川芎

蒼朮

米泔浸

白朮

各二兩

甘草

炙

石膏

煨

甘藷

焙各一兩

麻黃

去根節三兩

右細末每服三錢水一盞薑三片葱白二寸煎至七

分熱服不拘時候要出汗併三服厚蓋取汗

神仙百解散

一名神仙四季加減百解散

治傷寒無問陰陽二易

證其間所用藥味各隨經絡治病如傷寒在表未傳
入經發熱惡寒腰痛連進二服汗出而愈若已傳經
絡胃滿頭痛肢體煩疼目睛微痛耳聾口燥咽乾或
渴手足自溫或肢厥自利或不自利小便反快服之
則調中順氣祛逐寒邪如頭面感寒風傷腠理頭痛
項強發熱增寒鼻流清涕咳嗽涎痰及治風濕相搏
骨節煩疼肢體沉重洒淅惡風時自汗出此藥大能
調順三焦解表攻裏溫潤肺經正四時之氣升降陰

陽能進飲食不問傷風傷寒中暑中寒骨蒸頭疼氣
逆胃滿吐逆眩暈惡心及已經汗後不解下之不當
吐之不中此藥清而不涼溫而不壅無問老年虛弱
男婦人並皆服之如連進數服無不取効常服免瘟
疫之疾不中暑寒之病秋服之即無瘡痢冬服之不
致傷寒毒真神仙衛生妙藥也功效不可盡述

山茵皮

一兩

柴胡

去蘆

前胡

人參

羌活

獨活

甘草

蒼朮

米泔浸
剉炒

藿香

去梗

白朮

半夏

薑汁

製各一兩

乾葛

白芍藥

升麻

防風

去苗

藁本

去蘆

立春以後不加減立夏以後一料加

柴胡分一赤茯苓

當歸略

立秋以後酌減柴胡一分不用當歸茯苓只加

乾薑

炮

肉桂

去麁皮各一兩

麻黃

去半兩

立冬以後並無加減一方無當歸有黃茯苓去蘆半

兩

右為細末每服三錢水一盞半薑三片枣三枚煎至一盞熱服不計時候併進二服如要表散加葱白三寸淡豆豉三粒同煎服以衣被厚蓋出汗而愈一方無山茵陳前胡

八鮮散

出和濟方

治四時傷寒頭疼壯熱傷風多汗及療

勞傷過度骨節酸疼飲食無味四肢疼痛行步喘乏面色痿黃怠惰少力咳嗽寒熱羸弱自汗胃膈不快嘔逆惡心

人參去蘆 茯苓 甘草炙 陳皮去白 白朮 藿香去土 各一

兩厚朴去麁皮剉生薑自然汁浸一宿炒紫色二兩 半夏湯洗七次一兩

右為細末每服二錢水一盞生薑三片棗子一枚葱白三寸同煎七分溫服不拘時候

白朮散出危氏方 治傷寒氣脉不和憎寒壯熱鼻塞腦悶

涕唾稠粘痰嗽壅滯或冒涉風濕憎寒發熱骨節疼痛或中暑嘔吐眩暈及大病後調理失宜飲食勞復病證如初又治五勞七傷氣血虛損面色痿黃精神